



2020 йил "28" апрел

№ 954 и

Богот шаҳарчаси

**Туманда қовунчилик тармоғини янада ривожлантириш ҳамда
қовунчилик кластерини ташкил этиш тўғрисида**

Ўзбекистон Республикаси Президенти Ш.М.Мирзиёевнинг 2020 йил 12-13 март кунлари Хоразм вилоятига ташрифи давомида берилган топшириқлар ва кенгайтирилган тарзда ўтказилган 17-сонли мажлис баёни топшириқларидан келиб чиқиб, қовунчилик йўналишидаги кластер корхонаси ташкил этиш бўйича туман қишлоқ хўжалиғи бўлими ва туман фермер, деҳқон хўжаликлари ва томорқа ер эгалари кенгаши таклифларини инобатга олиб, Ўзбекистон Республикаси "Маҳаллий давлат ҳокимияти тўғрисида"ги Қонунининг 6,25-моддаларига асосланиб

ҚАРОР ҚИЛАМАН:

1. Туман қишлоқ хўжалиғи бўлими ва туман фермер, деҳқон хўжаликлари ва томорқа ер эгалари кенгашининг туманда қовунчилик йўналишидаги кластер корхонасини ташкил этиш, кластерга тумандаги қовун етиштирувчи фермер хўжаликларини, деҳқон хўжаликларини бириктириш тўғрисидаги таклифи маъқуллансин.

2. Туманда янги ташкил этилаётган "Музаффар" фермер хўжалиғи қовунчилик йўналишидаги кластер корхонаси сифатида тасдиқлансин.

3. "Музаффар" фермер хўжалиғи қовунчилик йўналишидаги кластер корхонасига бириктириладиган қовун етиштирувчи фермер, деҳқон хўжаликлари рўйхати иловага мувофиқ тасдиқлансин.

4. Туман қишлоқ хўжалиғи бўлими (Б.Ямғуров), ер ресурслари ва давлат кадастри бўлими (Р.Рахимов) янги ташкил этилаётган қовунчилик йўналишидаги кластер корхонасига бириктириладиган фермер, деҳқон хўжаликларига оид маълумотлар (ер майдонлари, ҳажми, экин турлари) базасига ўзгартиришлар киритилишини таъминласин.

5. "Музаффар" фермер хўжалиғи қовунчилик йўналишидаги кластер корхонаси:

Бириктирилаётган қовун етиштирувчи фермер, деҳқон хўжаликлари кесимида белгиланган қовун маҳсулотлари етиштириш ҳажмидан келиб чиқиб, етиштирувчи хўжаликлар ўртасида уч томонлама шартномалар тузсин;

ўз маблағлари ва тижорат банкларининг кредитлари ҳисобидан маҳсулот етиштирувчи хўжаликларга ўзаро тузилган шартномаларга асосан бўнак маблағлари ажратиш чораларини кўрсин;

ажратилган маблағларни уруғлик, минерал ўғитлар, ўсимликларни химоя қилиш воситалари ёнилғи-мойлаш маҳсулотлари, механизация хизматлари учун тўловларни амалга оширишга йўналтириш вазифалари топширилсин.

6. Мазкур қарорнинг бажарилишини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари С.Қурбонов ҳамда туман ҳокимининг қишлоқ ва сув хўжалиги масалалари бўйича ўринбосари Э.Худайбергановлар зиммасига юклатилсин.

Боғот тумани ҳокими:



О.Холбоев